

## Imarisai

1) Login pillugu.....	1
NemLog-in.....	1
MitID-mut isernissamut fane .....	2
Isumannaallisaaneq.....	2
2) MitID app atorlugu iserneq .....	3

### 1) Login pillugu

#### NemLog-in

NemLog-in kommunit, nunap immikkoortui naalagaaffillu suleqatigiinnerisigut pilersinneqarpoq pisortanilu oqartussani imminut sullinnissamut ataatsimut iserfissiaalluni. Tassa imaappoq, oqartussani imminut sullinnissamut aaqqiissutini assigiinngitsuni kinaassutsit uppersarniarlugu ataasiinnarmi isernissat pisariaqartoq.

Aaqqiissut Danmarkimi Digitaliseringsstyrelsep akisussaaffigaa.

Pisortat nittartagaanni, assersuutigalugu [www.sullissivik.gl](http://www.sullissivik.gl)-imi aaqqiissutinik atuigaangavit quppernermut ataatsimut iserfissamut ingerlateqqinneqartassaait. Isereeruit nittartakkamut isersimaffigisannut automatiskimik uterteqqinneqartassaait.

NemID, MitID imaluunniit Digitalimik Atsiorneq atorlugit isertoqarsinnaavoq. Tassuunakkut nammineq inuttut suliffeqarfiutilluunniit kinaassutsit oqartussanut isumannaatsumik uppersarneqassaaq taamaalillutillu illit sinnerlutit allat isersinnaanissaat ernummatigissanngilat.

#### NemLog-in-imi cookiesinik atuineq

NemLog-in cookiesinik browserinnut ikkussisarpoq. Cookie tassaavoq tekstfili qarasaasiannut toqqorneqartartoq. Cookie qarasaasiannit paasissutissanik katersineq ajorpoq, virusinik programinilluunniit ajoqusiiniartunik allanik siammarterisanngilaq. NemLog-in cookies aqqutigalugit nittartakkanut allanut paasissutissanik ingerlatitseqqinneq ajorpoq kisitsisitigullu paasissutissanut cookiesit atorneq ajorlugit.

NemLog-in nittartakkap ammarneraniit matunissaanut cookiemik (sessioncookie) taaneqartartumik atuisarpoq, taanna imminut sullinnermik aaqqiissutinut digitaliusunut nutaanut isernissannut NemLog-in-ip browserivit suussusersinissaanut pisariaqarpoq. Tamatuma saniatigut MitID, NemID imaluunniit nøglefil arlaat sorleq atorunnererit aamma igalaasat iseqqaarnermi nuisartut ilitsersuutitut allassimasut nuisatikkusunnerit eqqaamanissaannut NemLog-in-ip cookies atortarpai.

## **MitID-mut isernissamut fane**

Login sullississutaavoq, pisortat namminersortullu imminut sullississutaannut NemLog-in-imut atassusersimasunut isernissannut periarfissiisoq.

NemLog-in kommunit, nunap immikkoortui naalagaaffillu suleqatigiinnerisigut pilersinneqarpoq pisortanilu oqartussani imminut sullinnissamut ataatsimut iserfissiaalluni. Tassa imaappoq, oqartussani imminut sullinnissamut aaqqiissutini assigiinngitsuni kinaassutsit uppersarnarlugu ataasiinnarmi isernissat pisariaqartoq.

Login namminersortuni imminut sullississutinut NemLog-in-imut atassusersimasunut aamma atornerqarsinnaalernikuuvoq. Pisortalli imminut sullississutaannut sanilliullugit piginnaasakinnerupput, assersuutigalugu namminersortut imminut sullississutaat ataasiaannarluni iserfissiat atorsinnaanngilaat.

MitID-mut Login-imik atuinikkut nammineq inuttut suliffeqarfiutilittulluunniit kinaassutsit pisortat namminersortulluunniit imminut sullississutaannut isumannaatsumik uppersarneqarsinnaavoq taamaalillutillu allat sinnerlutit isersinnaanissaat ernummatigissanngilat.

Isertarnermut aaqqiissut Danmarkimi Digitaliseringsstyrelsep akisussaaffigaa.

## **Isumannaallisaaneq**

Login aaqqiissutaavoq, inuinnaat suliffeqarfiutilittulluunniit tamatuminnga atuinermi toqqiissimanissaat anguniarlugu isumannaallisaanikkut annertuunik piumasaqaatilimmik ineriartortinneqarnikoq.

MitID-mit imaluunniit suliffeqarfiutilimmut MitID-ssamit kinaassutsimut uppersaait atorlugit isertoqassaaq. Tassuunakkut nammineq inuttut suliffeqarfiutilittulluunniit kinaassutsit pisortat namminersortulluunniit imminut sullississutaannut NemLog-in-imut atassusersimasunut isumannaatsumik uppersarneqassaaq taamaalillutillu illit sinnerlutit allat isersinnaanissaat ernummatigissanngilat.

## **Nammineq qanoq iliorsinnaavit?**

Isumannaallisaanerup tunniussinnaasatta saniatigut internetimi imminut illersornissat pingaaruteqarpoq. Aajuku siunnersuutit tallimat malinneqartariaqartut:

1. Imminut sullississutit Login-imik atuiiffiusut atoreerukkit anillannissat browserimilu ammatitavit tamaasa matunissaat eqqaamajuk. Pingaartumik qarasaasiamik ataatsimoorussamik, assersuutigalugu atuakkanik atorniartarfinni internet caféniluunniit qarasaasiamik atuisimaguit pingaaruteqarluinnarpoq.
2. Qarasaasiat antivirusinik firewallinillu illersusersoruk – qarasaasiavillu programii nutartersimatikkitt.
3. MitID-mut imaluunniit Suliffeqarfiutilimmut MitID-nnut atuisutut atit kodelu isissutissat allanut ingerlateqqinngisaannakkit - assersuutigalugulu pappiliamut allannagit.
4. Programmit tatigisinnaasatit kisiisa ammartakkit.

5. MitID kinaassutsinnut uppernarsaatit, soorlu mobilit MitID app-italik annaasimagukku, MitID-villuunniit atornerlunneqarneranik pasitsaasaqaruit matussavat.

## MitID kinaassutsimik uppernarsaammik matusineq

MitID-nnut allat isersimasimasut pasitsakkuit ingerlaannarlutit matussavat. MitID.dk-mi imminut sullississut aqqutigalugu imaluunniit MitID support oqa. +45 33 98 00 10 attavigalugu taamaaliorsinnaavutit

### 2) MitID app atorlugu iserneq

MitID app atorlugu pisortat imminut sullississutaannut iserusukkuut imaasiussaait:

1. Atuisutut ID allassavat
2. Ingerlaqqigit tuussavat  
Malugiuk: "[Sullississummi iserfigilikkanni] eqqaamannga]" fluebenilersimagaanni atuisutut ID sullississummi tassani iserniaqqileruit eqqaamaneqassaaq

Log på hos Digital Post MitID

BRUGER-ID ⓘ


1

2 FORTSÆT →


Husk mig hos Digital Post

Afbryd Hjælp

3. Atuisutut ID allassimagukku ingerlaqqinnissamullu tuugassaq toorsimagukku iliuusissap MitID app atorlugu akuerinissaanut piunaffigineqassaatit, tamanna ataani takutinneqarpoq. Iliuusissaq akueriniarukku MitID appa mobilinni tabletinniluunniit ammassavat.




4. MitID app ammareerukku iliuseriniakkat akueriniarlugu talerpimmut nusussinnaavat/swipersinnaavat. Iliuseriniakkanni saniatigut isumannaallisaateqarpat – assersuutigalugu netbankikkut aningaasanik nuussinermi – PIN-kode aamma allattariaqarpat imaluunniit kiinnamik inussalluunniit ipaannik ilisarinnittartut atorlugit akuerisariaqarlugu



Malugiuk, peqqusummik utaqqisaqarnini MitID app-imi nalunaarummik tigusaqarunnannginnavit. Talerpimmut nusutsinnagu/swipertinnagu MitID app-imi allassimasut tamatigut atuartakkit. Iliuserisassaq akuerilikkat eqqortuunersoq qulakkeerniarlugu. Allassimasut qanoq iliulerninnut naapertuutinngippata imaluunniit

iliuserineqartoq taanna illit nammineerlutit aallartissimangikkukku qullerpaami saamimi teqqumi imatut allassimasoq "Itigartiguk" krydsilissavat.

5. MitID atorlugu akuersisimanerlutit takuuk



6. Maanna PC-nni, mobilinni tabletinniluunniit browserimut iserfiginiakkannut uteqqissinnaalerputit
7. Maanna MitID atorlugu iserputit